

PROGRAMA ERASMUS +

BASES DA CONVOCATORIA EXTRAORDINARIA PARA A SELECCIÓN DE PERSOAL PARA A SÚA PARTICIPACIÓN DENTRO DO PROGRAMA ERASMUS+ NO CURSO 2023/24.

Primeira. Obxecto e prazo das solicitudes.

Convócase o segundo proceso selectivo para asignar as bolsas de carácter extraordinario dentro do Programa Erasmus+ destinadas a persoal dos ciclos formativos de grao superior, grao medio e FP básica, para realizar unha mobilidade destinada á formación ou á docencia.

O número de bolsas de carácter extraordinario para o ano 2024 é o seguinte:

	Profesorado
Ciclos Superiores (KA131)	1
Ciclos Medios e FP Básica (KA121)	2

Na asignación das bolsas tratarase de dar prioridade sempre a unha distribución equitativa entre as diferentes familias profesionais e de xeito proporcional ao número de alumnado matriculado en cada curso.

A duración da mobilidade será variable en función da súa tipoloxía.

[O prazo para entregar as solicitudes remata o día 3 de maio de 2024](#) (incluído).

Segunda. Requisitos dos participantes.

1. Ser docente no CIFP Porta da Auga con destino definitivo ou persoal interino. A efectos de antigüidade no corpo, de cara ao baremo, só computará aquela correspondente á acadada no CIFP Porta da Auga.
2. Quedarán excluídas as solicitudes que se realicen estando en situación de baixa laboral. Tanto no momento da solicitude como no da realización da mobilidade.

Terceira. Contía das bolsas.

A contía destinada a financiar os gastos da mobilidade será unha cantidade fixa calculada sobre a base de importes establecidos polo Servizo Español para a Internacionalización da Educación (SEPIE). Esta axuda correrá cos gastos de manutención, viaxes, aloxamento, empresa intermediaria (se fose preciso), seguros e demais gastos.

É posible que o profesorado teña que adiantar parte desta contía, ou que esta non cubra a totalidade de custes reais.

Cuarta. Sesións informativas.

A coordinación de programas internacionais organizará sesións informativas para informar dos diferentes aspectos relacionados coa solicitude e participación no Programa Erasmus+.

Quinta. Reunión con todos os interesados e recollida de datos.

Unha vez celebradas as reunións informativas e recollidos os datos das persoas interesadas durante o prazo aberto para presentar as solicitudes (ata o 3 de maio), realizarase o proceso de selección seguindo as presentes bases.

A publicación das listaxes do proceso de selección, así como as comunicacións procedentes, realizaranse a través da web do centro, taboleiro do CIFP e tamén nas redes sociais.

A última fase corresponde á asignación de prazas, en función da dispoñibilidade de empresas e ás puntuacións acadadas polos solicitantes.

A realización da mobilidade e o destino final sempre estará condicionado á existencia de centros educativos e/ou empresas axeitadas ao perfil profesional e académico.



Sexta. Criterios de selección.

Para a **selección dos participantes nas mobilidades de persoal** establécense os seguintes criterios coa **puntuación máxima de 12 puntos**:

Antigüidade No CIFP Porta da Auga (Máx 5 puntos)	Competencias Lingüísticas (Máx 5 puntos)	Impacto da formación no centro	Criterios organizativos de centro	Outros
- Destino definitivo anterior a 2017-16.....5p	Certificación de competencias lingüísticas: C1 ou B2.....5p	Valoración da Comisión de Programas Internacionais da idoneidade do profesorado participante para aplicar no centro a formación recibida.	Valoración da Comisión de Programas Internacionais sobre a idoneidade da mobilidade en función das datas e outros aspectos organizativos de centro.	Participación en mobilidades no centro con anterioridade: Nunca.....2p 1 Mobilidade.....1p >1 Mobilidade....0p
- Destino definitivo entre o curso 2017/18 a actual.....3p	B1.....3p A2.....2p	Estudo de propostas do impacto da formación ser o caso.		No caso de empate: Farase por sorteo.
- Persoal sen destino definitivo.....2p				

Valoración máxima de 12 puntos, mais o visto bo da Comisión de Programas Internacionais no relativo aos outros apartados.

Sétima: Adxudicación das prazas e publicación.

Unha vez realizado o baremo das solicitudes das persoas participantes de acordo cos criterios de valoración aprobados, publicarase unha listaxe de seleccionados e unha listaxe de reserva para cubrir eventuais renuncias.



Oitava. Obrigas das persoas seleccionadas.

O alumnado seleccionado para una mobilidade está obrigado no prazo de 7 días trala finalización e publicación do proceso de selección a entregar a seguinte documentación (poden ser escaneados e enviados por email):

- Documento compromiso de participación no programa asinado.
- Foto carnet.
- Fotocopia DNI.
- Curriculum Europass (en inglés)
- Certificación bancaria.
- Seguro obrigatorio de Responsabilidade Civil de accidentes e sanitario (poderá ser xestionado polo centro pero deberá dar o seu consentemento por escrito no acordo de compromiso).

O persoal seleccionado estará obrigado a enviar na data fixada os documentos anteriores así como a participar nas reunións nas que sexa convocado pola coordinación de proxectos internacionais.

Se a persoa seleccionada decide retornar sen causa xustificada antes da finalización da mobilidade, deberá consignar a parte proporcional da beca recibida.

Novena. Aloxamento e viaxe.

Os billetes de viaxe, especialmente de avión, deberán obterse tan pronto se teñan as datas de ida e volta da mobilidade.

O aloxamento poderá ser xestionado de maneira individual, ou ben a través dun intermediario.

Décima. Normativa aplicable.

A normativa aplicable será toda a que regula o proxecto Erasmus e os convenios de subvención asinado entre o centro e a Axencia Nacional SEPIE.

Asdo: Óscar Chao Penabad
Vicedirector
En Ribadeo, a 23 de abril de 2024